

a) Estar en posesión do título de bacharel ou dunha titulación equivalente das recollidas na letra b) da disposición adicional sétima do Real decreto 1538/2006, do 15 de decembro.

b) Ter superado a proba de acceso aos ciclos formativos da formación profesional de grao superior a que fai referencia o artigo 41.2 da Lei orgánica 2/2006, do 3 de maio, de educación.

c) Ter superado a proba de acceso á universidade para maiores de 25 anos a que fai referencia o artigo 69.6 da Lei orgánica 2/2006, do 3 de maio.»

Disposición adicional primeira. *Formación complementaria en caso de acceso directo a escalas de suboficiais.*

Os alumnos que ingresen por acceso directo nos centros docentes militares de formación cursarán os plans de estudos en vigor para a incorporación, en función da súa especialidade fundamental, ás respectivas escalas de suboficiais. Non obstante o anterior, atendendo á singularidade de cada exército, poderáselles impartir un complemento formativo adicional, cuxo contido, carga lectiva e duración serán determinados polo ministro de Defensa e que, en ningún caso, será superior a cinco semanas.

Disposición adicional segunda. *Acceso de estranxeiros a militar de complemento no Corpo Militar de Sanidade.*

Nos termos previstos na disposición adicional sexta da Lei 39/2007, do 19 de novembro, da carreira militar, poderán acceder á condición de militar de complemento no Corpo Militar de Sanidade na especialidade de medicina, os nacionais dos países fixados no anexo I do Regulamento de acceso de estranxeiros á condición de militar profesional de tropa e mariñeiría, aprobado polo Real decreto 1244/2002, do 29 de novembro, e nas condicións recollidas para os militares de tropa e mariñeiría no artigo 2 do citado regulamento.

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 14 de marzo de 2008.

JUAN CARLOS R.

O ministro de Defensa,
JOSÉ ANTONIO ALONSO SUÁREZ

MINISTERIO DE AGRICULTURA, PESCA E ALIMENTACIÓN

6150 *ORDE APA/940/2008, do 2 de abril, pola que se establecen os baremos de indemnización polo sacrificio obrigatorio dos animais obxecto dos programas nacionais de control de salmonela en bandos de aves preprodutoras e poñedoras do xénero «Gallus gallus». («BOE» 84, do 7-4-2008.)*

O artigo 17.1 da Lei 8/2003, do 24 de abril, de sanidade animal, dispón que, en caso de sospeita dunha enfermidade de carácter epizoótico, que pola súa especial virulencia, extrema gravidade ou rápida difusión implique un perigo potencial de contaxio para a poboación animal,

incluída a doméstica ou silvestre, ou un risco para a saúde pública ou para o ambiente, ou de calquera proceso patolóxico que, mesmo non reunindo as características mencionadas, ocasione a sospeita de ser unha enfermidade das incluídas nas listas de enfermidades de declaración obrigatoria, a autoridade competente poderá adoptar, como medida cautelar, o sacrificio obrigatorio dos animais enfermos e sospeitosos, prevendo no seu artigo 18 que, tras a confirmación definitiva da existencia da enfermidade, a comunidade autónoma actuará do modo establecido en cada caso. Así mesmo, no seu artigo 21, dispón que o sacrificio obrigatorio dos animais dará lugar á correspondente indemnización pola autoridade competente, en función dos baremos aprobados, e que, para ter dereito á indemnización, o propietario dos animais deberá ter cumprido a normativa de sanidade animal aplicable en cada caso.

A Unión Europea elaborou unha normativa específica en materia de control de salmonela, constituída polo Regulamento (CE) n.º 2160/2003 do Parlamento Europeo e do Consello, do 17 de novembro, sobre o control da salmonela e outros axentes zoonóticos específicos transmitidos polos alimentos.

O artigo 5 do citado Regulamento (CE) n.º 2160/2003, dispón que os Estados membros establecerán programas nacionais de control para cada unha das zoonoses e dos axentes zoonóticos enumerados no anexo I para alcanzar os obxectivos comunitarios de redución da prevalencia das zoonoses e dos axentes zoonóticos indicados no seu artigo 4.

Dentro deste marco, mediante a Decisión 2006/759/CE da Comisión, do 8 de novembro de 2006, pola que se aproban determinados programas nacionais para o control da salmonela en bandos reprodutores da especie «Gallus gallus», aprobouse o programa presentado por España, de aplicación desde o 1 de xaneiro de 2007. Dentro deste programa, unha das medidas previstas é o sacrificio obrigatorio das aves de bandos consideradas infectadas, polo que se fixaron os correspondentes baremos mediante a Orde APA/1604/2007, do 1 de xuño, pola que se establecen os baremos de indemnización polo sacrificio obrigatorio dos animais obxecto do programa nacional de control dos cinco serotipos de salmonela máis frecuentes na salmonelose humana, en bandos de aves reprodutoras do xénero «Gallus gallus». Esta orde debe ser modificada para adaptar os valores aos prezos do mercado.

Por outra parte, no que se refire ás poñedoras, mediante a Decisión 2007/848/CE, da Comisión, do 11 de decembro de 2007, pola que se aproban determinados programas nacionais para o control da salmonela en bandos de galiñas poñedoras da especie «Gallus gallus», aprobouse o Programa nacional para o control da salmonela en bandos de poñedoras da especie «Gallus gallus», presentado por España, de aplicación desde o 1 de xaneiro de 2008. Dentro dese programa, igualmente, unha das medidas previstas é o sacrificio obrigatorio das aves de bandos consideradas infectadas, polo que procede fixar os baremos de indemnización correspondentes.

Razóns de seguranza xurídica fan que sexa aconsellable unificar nunha soa norma os baremos aplicables tanto a reprodutoras como a poñedoras, procedendo a derrogar a Orde APA/1604/2007, do 1 de xuño.

Na elaboración da presente disposición foron consultadas as comunidades autónomas e as entidades representativas dos intereses dos sectores implicados.

Na súa virtude, dispoño:

Artigo 1. *Obxecto.*

Esta orde ten como obxecto establecer os baremos de indemnización polo sacrificio obrigatorio dos animais obxecto dos programas nacionais de control da salmo-

nela en bandos de aves reprodutoras e poñedoras do xénero «Gallus gallus».

Artigo 2. *Definicións.*

Para os efectos desta orde entenderase como:

a) Programas nacionais de control: os aprobados mediante a Decisión 2006/759/CE, da Comisión, do 8 de novembro de 2006, pola que se aproban determinados programas nacionais para o control da salmonela en bandos reprodutores da especie «Gallus gallus», e mediante a Decisión 2007/848/CE, da Comisión, do 11 de decembro de 2007, pola que se aproban determinados programas nacionais para o control da salmonela en bandos de galiñas poñedoras da especie Gallus gallus.

b) Bisavoa: ave reprodutora de estirpe selecta destinada á produción de ovos para incubar destinados á produción de avoas, tal e como establece a definición da letra c) desta epígrafe.

c) Avoas: ave reprodutora de estirpe selecta, procedente do cruzamento de bisavoa, destinada á produción de ovos para incubar cuxo obxecto será a produción de aves de cría, segundo se definen no artigo 2 do Real decreto 1888/2000, do 22 de novembro, polo que se establecen as condicións de sanidade animal aplicables aos intercambios intracomunitarios e as importacións de aves de curral e de ovos para incubar, procedentes de países terceiros.

d) Reprodutoras pesadas: ave reprodutora da especie «Gallus gallus» de estirpe selecta destinada á produción de ovos para incubar destinados á produción de aves de explotación para a produción de carne.

e) Reprodutora lixeira e semipesada: ave reprodutora da especie «Gallus gallus» de estirpe selecta destinada á produción de ovos para incubar destinados a se converter en aves de explotación segundo se definen no artigo 2 do Real decreto 1888/2000, do 22 de novembro, non incluída na definición de reprodutora pesada.

f) Poñedoras: as galiñas da especie «Gallus gallus» destinadas á produción de ovos para consumo ou non destinados á incubación.

Artigo 3. *Indemnización por sacrificio obrigatorio.*

1. O sacrificio obrigatorio dos animais, ordenado pola autoridade competente dentro da aplicación dos programas nacionais de control, dará dereito á correspondente indemnización por sacrificio obrigatorio, de acordo cos baremos previstos en cada caso no anexo.

En todos os casos, a idade das aves para efectos da indemnización será a que tivesen os animais no momento en que a autoridade competente ordene o sacrificio obrigatorio.

2. Unicamente terán dereito a indemnización aqueles propietarios de gando que cumprisen coa normativa vixente en materia de sanidade animal.

Disposición transitoria única. *Aplicación retroactiva.*

O disposto nesta orde será de aplicación aos sacrificios obrigatorios de animais ordenados pola autoridade competente dentro da aplicación dos programas nacionais de control da salmonela en bandos de aves reprodutoras e poñedoras do xénero «Gallus gallus», que se producen desde o primeiro de xaneiro de 2008.

Disposición derogatoria única. *Derrogación normativa.*

Queda derogada a Orde APA/1604/2007, do 1 de xuño, pola que se establecen os baremos de indemnización polo sacrificio obrigatorio dos animais obxecto do

programa nacional de control dos cinco serotipos de salmonela máis frecuentes na salmonelose humana, en bandos de aves reprodutoras do xénero «Gallus gallus».

Disposición derradeira primeira. *Título competencial.*

Esta orde dítase ao abeiro do disposto no artigo 149.1.16.^a da Constitución, que lle atribúe ao Estado a competencia exclusiva sobre bases e coordinación xeral da sanidade.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 2 de abril de 2008.—A ministra de Agricultura, Pesca e Alimentación, Elena Espinosa Mangana.

ANEXO

Baremos de indemnización

A) *Baremos de avoas e bisavoa*

Semana de idade	Euros - Animal
1	33,19
2	34,09
3	34,50
4	34,93
5	34,59
6	35,01
7	35,34
8	35,67
9	36,00
10	36,33
11	36,67
12	37,18
13	37,70
14	38,21
15	38,73
16	39,64
17	40,54
18	41,43
19	42,34
20	42,91
21	43,48
22	44,05
23	44,62
24	45,27
25	45,02
26	44,29
27	43,12
28	41,74
29	40,27
30	38,76
31	37,23
32	35,69
33	34,16
34	32,65
35	31,15
36	29,67
37	28,21
38	26,80

Semana de idade	Euros - Animal
39	25,40
40	24,02
41	22,69
42	21,35
43	20,08
44	18,82
45	17,59
46	16,38
47	15,23
48	14,11
49	13,03
50	11,97
51	10,95
52	9,98
53	9,02
54	8,09
55	7,19
56	6,30
57	5,44
58	4,61
59	3,80
60	3,04

Semana de idade	Euros - Animal
33	10,07
34	9,81
35	9,55
36	9,30
37	9,04
38	8,79
39	8,53
40	8,28
41	8,02
42	7,77
43	7,51
44	7,26
45	7,00
46	6,75
47	6,49
48	6,24
49	6,99
50	5,73
51	5,48
52	5,22
53	4,97
54	4,71
55	4,46
56	4,20
57	3,95
58	3,69
59	3,43
60	3,17
61	2,91
62	2,65
63	2,39
64	2,13

B) Baremos de reprodutoras pesadas

Semana de idade	Euros - Animal
0	3,27
1	3,64
2	4,03
3	4,40
4	4,79
5	5,16
6	5,54
7	5,92
8	6,30
9	6,68
10	7,06
11	7,44
12	7,82
13	8,20
14	8,58
15	8,95
16	9,34
17	9,71
18	10,10
19	10,47
20	10,86
21	11,23
22	11,62
23	11,99
24	12,36
25	12,11
26	11,85
27	11,60
28	11,34
29	11,09
30	10,83
31	10,58
32	10,32

C) Baremos de reprodutoras lixeiras e semipesadas

Semana de idade	Euros - Animal
0	8,95
1	9,24
2	9,53
3	9,82
4	10,11
5	10,40
6	10,69
7	10,98
8	11,27
9	11,57
10	11,86
11	12,15
12	12,44
13	12,73
14	13,02
15	13,31
16	13,60
17	13,89
18	14,18

Semana de idade	Euros - Animal
19	14,47
20	14,76
21	15,06
22	15,35
23	15,64
24	15,93
25	16,22
26	15,91
27	15,60
28	15,29
29	14,98
30	14,67
31	14,36
32	14,05
33	13,74
34	13,43
35	13,12
36	12,81
37	12,50
38	12,19
39	11,88
40	11,57
41	11,26
42	10,95
43	10,64
44	10,33
45	10,02
46	9,71
47	9,40
48	9,09
49	8,78
50	8,47
51	8,16
52	7,85
53	7,54
54	7,23
55	6,92
56	6,61
57	6,30
58	5,99
59	5,68
60	5,37
61	5,06
62	4,75
63	4,44
64	4,13
65	3,82
66	3,51
67	3,20
68	2,89
69	2,58
70	2,27
71	1,96
72	0,80

D) *Baremos de poñedoras*

Semana de idade	Euros - Animal
1	0,84
2	0,97
3	1,10
4	1,23
5	1,37
6	1,52
7	1,66
8	1,96
9	1,21
10	2,17
11	2,32
12	2,46
13	2,46
14	2,63
15	2,79
16	3,02
17	3,23
18	3,81
19	3,99
20	4,19
21	4,12
22	4,05
23	3,97
24	3,90
25	3,83
26	3,76
27	3,69
28	3,62
29	3,55
30	3,48
31	3,41
32	3,33
33	3,26
34	3,19
35	3,12
36	3,05
37	2,98
38	2,91
39	2,84
40	2,77
41	2,70
42	2,62
43	2,55
44	2,48
45	2,41
46	2,34
47	2,27
48	2,20
49	2,13
50	2,06
51	1,99
52	1,91
53	1,84
54	1,77
55	1,70
56	1,63
57	1,56
58	1,49
59	1,42
60	1,35
61	1,27
62	1,20
63	1,13
64	1,06

Semana de idade	Euros - Animal
65	0,99
66	0,92
67	0,85
68	0,78
69	0,71
70	0,64
71	0,56
72	0,49
73	0,42
74	0,35
75	0,35
76	0,35
77	0,35
78	0,35

MINISTERIO DE SANIDADE E CONSUMO

- 6204** *CORRECCIÓN de erratas do Real decreto 1118/2007, do 24 de agosto, polo que se modifica o Real decreto 142/2002, do 1 de febreiro, polo que se aproba a lista positiva de aditivos distintos de corantes e edulcorantes para o seu uso na elaboración de produtos alimenticios, así como as súas condicións de utilización.* («BOE» 85, do 8-4-2008.)

Advertida errata no Real decreto 1118/2007, do 24 de agosto, polo que se modifica o Real decreto 142/2002, do 1 de febreiro, polo que se aproba a lista positiva de aditivos distintos de corantes e edulcorantes para o seu uso na elaboración de produtos alimenticios, así como as súas condicións de utilización, publicado no «Boletín Oficial del Estado», suplemento en lingua galega número 24, do 1 de outubro de 2007, procédese a efectuar a oportuna rectificación:

Na páxina 2956, primeira táboa, segunda liña, onde di: «Salchicha fresca», debe decir: «Salsicha fresca».

MINISTERIO DE ECONOMÍA E FACENDA

- 6243** *CORRECCIÓN de erros do Real decreto 161/2008, do 8 de febreiro, polo que se delimita a zona de promoción económica da Comunidade Autónoma de Galicia.* («BOE» 86, do 9-4-2008.)

Advertidos erros no Real decreto 161/2008, do 8 de febreiro, polo que se delimita a zona de promoción económica da Comunidade Autónoma de Galicia, publicado no «Boletín Oficial del Estado», suplemento en lingua galega núm. 4, do 17 de marzo de 2008, procédese a efectuar as oportunas rectificacións:

Na páxina 452, no anexo denominado «Zonas prioritarias», na listaxe de zonas prioritarias da provincia de «Lugo» figura erroneamente o municipio de «Cariño», que debe figurar na listaxe de zonas prioritarias da provincia de «A Coruña».

MINISTERIO DE AGRICULTURA, PESCA E ALIMENTACIÓN

- 6245** *REAL DECRETO 410/2008, do 28 de marzo, polo que se modifica o Real decreto 176/2003, do 14 de febreiro, polo que se regula o exercicio das funcións de control e inspección das actividades de pesca marítima.* («BOE» 86, do 9-4-2008.)

O Real decreto 176/2003, do 14 de febreiro, polo que se regula o exercicio das funcións de control e inspección das actividades de pesca marítima, regula esta actividade no ámbito das competencias da Administración xeral do Estado co obxecto de garantir o cumprimento da normativa comunitaria e nacional en materia de pesca marítima, así como as obrigas derivadas para España de acordos, convenios e tratados internacionais.

O Regulamento (CE) n.º 2371/2002 do Consello, do 20 de decembro de 2002, sobre a conservación e a explotación sustentable dos recursos pesqueiros en virtude da política pesqueira común, recolle a obriga de cooperación e coordinación dos Estados membros entre si e con países terceiros para garantir o cumprimento das normas da política pesqueira común.

Baseándose nesta obriga de cooperación e coordinación, adóptase o Regulamento (CE) n.º 768/2005 do Consello, do 26 de abril de 2005, polo que se crea a Axencia Comunitaria de Control da Pesca e se modifica o Regulamento (CEE) n.º 2847/93 polo que se establece un réxime de control aplicable á política pesqueira común. Este regulamento establece a necesidade de que os Estados membros coordinen as súas actividades de control e inspección non só en augas comunitarias e internacionais senón tamén dentro do seu espazo territorial, considerando que ningún réxime de inspeccións será rendible se non prevé inspeccións en terra.

Neste marco de cooperación e coordinación adoptouse o Regulamento (CE) n.º 1042/2006 da Comisión, do 7 de xullo de 2006, polo que se establecen disposicións de aplicación do artigo 28, puntos 3 e 4, do Regulamento (CE) n.º 2371/2002 do Consello. No Regulamento 1042/2006 da Comisión establécese a facultade dos Estados membros de levar a cabo inspeccións sobre buques de pesca comunitarios en augas comunitarias situadas fóra da súa soberanía.

Así mesmo, no citado regulamento créase a figura do inspector comunitario. A Comisión Europea elaborará unha lista de inspectores comunitarios autorizados para realizar inspeccións nas augas comunitarias e en buques pesqueiros comunitarios.

Tendo en conta que o Regulamento (CE) n.º 768/2005 e o Regulamento (CE) n.º 1042/2006 desenvolven, no marco da colaboración e coordinación, a actividade de control e inspección da actividade pesqueira regulada no Regulamento (CE) n.º 2371/2002, establecendo, por un lado, a posibilidade de inspeccionar buques comunitarios e de países terceiros en augas comunitarias baixo a xurisdición doutro Estado membro, e por outro, a inclusión do espazo comunitario terrestre no ámbito da función de inspección e control, cómpre a modificación do Real decreto 176/2003, do 14 de febreiro, co obxecto de adaptar o ámbito de actuación da función inspectora á normativa comunitaria vixente.

Na elaboración desta disposición foron consultados o sector afectado e as comunidades autónomas.

O proxecto foi comunicado á Comisión Europea en cumprimento do disposto no artigo 38 do Regulamento (CEE) n.º 2847/93 do Consello, do 12 de outubro de 1993, polo que se establece un réxime de control aplicable á política pesqueira común.